

**KOMPANIJE** Puštena u rad nova proizvodna linija FCL-a

# Počeo raditi pogon vrijedan 80 miliona KM

Lukavačka fabrika među najmodernijima u Evropi

Puštanjem u pogon nove proizvodne linije, vrijedne 80 miliona maraka, Fabrika cementa Lukavac od jučer će u svojim pogonima proizvoditi 2.000 tona cementa dnevno, čime i definitivno postaje najveći proizvođač tog materijala u BiH.

Kako su jučer saopćili iz FCL-a, iz njegovih proizvodnih pogona u budućnosti će izlaziti skoro 800.000 tona cementa i 600.000 tona klinkera godišnje.

- FCL postaje jedna od tri tehnološki najbolje opremljene i najmodernije fabrike cementa u Evropi. Novu proizvodnu liniju prati i ugradnja 33 moderna filtera, koji zaštićuju životnu sredinu. Ponosni smo onim što smo postigli modernizacijom ove fabrike i u proizvodnom i u ekološkom smislu - kazao je jučer Kurt Asamer, predsjednik Upravnog odbora Asamer Holdinga iz Austrije, jednog od vlasnika FCL-a.

Menadžment FCL-a saopćio je jučer da su u godinu i po gradnje novog pogona domaće firme, koje su angažirane u realizaciji ove investicije, inkasirale skoro 25 miliona maraka.

Upitan da li se menadžment, s obzirom na to da je građevinarstvo najteže krizom pogođena privredna grana, plaši da neće imati ku-



Lukavac: FCL vodi računa i o zaštiti životne sredine

(Foto: A. Bajrić Blicko)

pce za svoje proizvode na našem tržištu, direktor Asamer istakao je da nema razloga za strah.

- Možda je plasman trenutno smanjen za, otprilike, 15 posto, a tih padova moglo bi biti još, ali mi ovdje investiramo u fabriku koja će raditi najmanje još 30 godina tako da se ne bojimo krize. Ovo je perfektno postavljena firma, na perfe-

ktnoj lokaciji. Mi ćemo i narednih godina raditi punim kapacitetom, čime ćemo zadržati sva radna mjesta - poručio je Asamer.

Inače, novinarima su se jučer, pored Kurta Asamera, obratili i Izet Imamović, direktor FCL-a, i jedan od najiskusnijih inženjera Asamer Holdinga Karol Podhora.

A. HADŽIĆ